

مستطابق

درسمادنده باب عالی جاده سنده
اداره مخصوصه
محل اداره :

اعظم :
مسکمزده موافق آثار جدید مع المنوین
قبول اولنور
درج ابدلین آثار احاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه لری : ابوالعلا زین العابدین - ح . اشرف ادیب

سنه لکی	القی آیانی	درسمادنده
۶۰	۳۰	ولایاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمر ۳۲۴

درسمادنده نسخیه ۵۰ پاره در

قیرلهدن مقوا بودو ایله کوندربایر سه سنوی
۲۰ غروش فضله آلنیر

درسمادنده پوسته ایله کوندربایر سه ولایات بدلی اخذ اولنور

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکنجی جلد

ایله ایمپراطور عسکری مغلوباً فرار ایلمش ایدی . غازى جوامردك بو خدمته برهديه شكرانه اوله رق کنديسه سلطان علاءالدين اسكى شهر حواليسى ده تملك ایلدی .

هجرت نبويه نك ۶۵۶ نجى سال فرخنده مطالعه مصادف اولان بوزمانده ایدی كه مؤسس سلطنت عظمای عثمانیه سلطان عثمان غازى حضرتلى پدروالا كهرلرينك وطن جدیدی اولان سكودده مهد آرای وجود اولدی .

دها كو چكلكنده بيوكلك پرتوى ناصيه سنده درخشان و حال صباوتدن عهد جوانی به ترقى ايله بر قهرمان صاحب قران اولمق استعدادى هر حال وشانندن نمايان اولمغه باشلايان بو آتشاره جلادت دشمن ممالكنده جولان ايله ارائه قدرت وسطوت وبرطرفدن دخى استفاضه كالات ايله تزئين ذات و ماهيت ايدرك نامى ناميسى اطراف واكنافده اعتلايلىش اولديغندن بتون عالم كى سلطان علاءالدين دخى آنك مفتون جلادت وشهادتى اولديغندن غنيمت غزاسى اولان يرلى بو مجاهد ديشانه تملك وبرمنشور سلطانى ايله عهد استيهاله توجيه امارت ایلدی .

علامت امارت اوله رق كوندريان بر بياض سنجاق ايله طبل ونقاره هجرتك التيوز سكبان یدی سنه سى ذى القعدة سنك اون يدنجى كونی ايكندى وقتى واصل اولديغندن عثمان غازى حضرتلى تعظيماً اياغه قالغوب نوبت چاليردى . ايكندى وقتى نوبت چالغى اصولى اووقتدن اعتباراً عادت حكمنه كيروب استقلالدن صكره دخى دوام ايتش و آنجق فاتح دورنده قالدیرلمشدر .

جنگيزلرك صدمات متواليه سيلاه سلجوقيلرك سلطنتى بالاخره دوچار تزلزل اولمى اوزرينه ولايت بكلى استقلال داعيه سنه دوشهرك وهر برى بولندقلرى محللرده برر حكومت تشكيل ايدرك دولت سلجوقيه نك انقراضنى تسريع واتمام ايلمش اولدقلرندن دولت مشارالها طرفندن بامنشور سلطانى حائر امارت بولسان عثمان خان غازى حدود امارتى داخنده اجراى حكومه دوام ايلمش وايشته عدل و داديله ، دمبدم خدمات مجاهدانه سيلاه بر عشيرتدن قوجه بر دولت حصوله كتورن واقوام اسلاميه يى بر نقطه وحدته جمع ايله دنيا نك الكوزل ، الك فيضلى بارچه لرنده بوكون حكمران اولان دولت عليه عثمانيه بوزمان يعنى هجرت نبويه نك ۶۹۹ نجى سته سنده تأسس ايتمشدر . جدامجد عثمانيان آنفاً زيب سطور مفخرت اولدينى اوزره اهل اسلامدن و ترك طوائفدن قاي خان قنيه سنك رئيسى اولدينى كى سلسله نسبك اورادن اوغوز خانه قدر ممتد بولندينى دخى

عثمان ارطغرل اوغلى سين

اوغوز قره خان نسلى سين

حقك بر كتر قولى سين

استانبولى آج كازار ياب

قطعه سيلاه مؤيد بولنديغندن آل عثمان حضراتى دها بلاد رومه داخل

اولمازدن اقدم ابا عن جد خازاده خان اولوب ملك وسلطتده اصلتلى وادردر .
بركت زاده : اسماعيل مهنى



فاضل شهر ماردنى زاده عظومتاو عارف بك افندي حضرتلرينك تقريباً بوندن اون سنه مقدم لاهى قونفرانسك ايلك اجتماعى مناسبتيله حرب و صلح و معاهدات اله حقوق حرب حقنده شريعت غراى اسلاميه نك احكام منيفه سنى مبن [احكام الحرب والصلح فى الاسلام] ناميله قله آلدنلى مة لات مهمه نك اول ائشاره طبع ونشرى منع ايدلمش اولمسيلاه انظار استفاديه وضع ابديله ماش ايسه ده بوكره الده ايديلان بر نسخ سنك تميم فائده سى مقصديه (صراط مستقيم) ده درخى مناسب كوردك .

احكام الحرب والصلح فى الاسلام

بر مدتدنبرو عالم انسانيت وصحائف مطبوعاى اشغال ايدن ترك سلاح تصورى حقنده اهم متمدنه ارباب قلمى امكان وعدم امكان وجواز وعدم جواز دائر مختلف المال مقاله لر يازمش وهر كس فكر وادراك وعقل واذعانى نسبتده ياخود تابع اولدينى دولت و حكومتك آمال سياسيه و مقاصد اساسيه سى دائره سنده بسط مقال واداره لسان ايلمكده بولمىش اولدينى معلومدر .

بو بابت يازيلان رسائل ومقالات مهمه اره سنده الك زياده جالب نظر دقت اولان آلمانيا دولت فخيমে سنك صلح قونفرانس مأمور ايلمش اولدينى مشاهير علماء حقوقيوندن معلم « فون استنكلك » « مصالحة ابديه » عنوانيله نشر ايلمش اولدينى رساله مشهوره سنده حربك مشروعتى حقنده انجمل وتورات احكامندن دخى بحث ايدلمش ومذكور قونفرانس سلطنت سنيه اسلاميه جانب عاليسندن دخى منتخب مأمور لر ارساليلاه اشتراك بيورلمش اولمسه وبوبابده شريعت غراى اسلاميه احكام منيفه سنك دخى اوروياجه بيانمى فائده دن غير خالى كورلمسه بناء بوخصوص حقنده كى اوامر قرآنيه واحكام دينيه نك بيانى واجبه ذمت حيت كورلمشدر .

صده شروعدن مقدم حربك نوع بشر اره سنده صورت واسباب ظهوريله بوبابده منزل اولان صحف وكتب سماويه وديانت معظمه اسلاميه نك ظهورينه قدر ملل واقوام سالفه اره سنده حكمرما اولان قواعد وعادات قديمه سيلاه بعد الاسلام قرار كير اولان احكام شرعيه نك بيانى مقتضى كورلمشدر كه حربك على الاطلاق مشروعتى حقنده كى فكر باطلك حقيقى بو صورتيله تظاهر ايتش اولسون .

معلومدر كه خلقت علمدن مقصد اثر دن مؤثره استدلال صورتيلاه جناب آفريننده كون ومكان اولان ذات قدسيه سمات الوهيتك معرفتى اولدينى [كنت كنزاً مخفيا فاجبت ان اعرف فخلقت الخلق لاعرف] حديث قدسيلى دلالتيله مثبت ومعرفتك دوام وبقاسى ايسه مابه القيامى اولان نوع بشرك دوام وبقاسنه منوط اولدينى بر امر مبرهندر حرب ايسه نوع انسانى محو واقنا ايدن مصائب عظما و دواهى دهادن بولمسيلاه عدواناً وقوعى نواميس الهيه ايله مؤسس اولان كانه اديانده ممنوع ومحرم اولدينى برامر مسلمدر .

صورت انقسام ملل واقوام

نوع بشر خلقة مدنی الطبع اوله رق یارادیلمش یعنی عجز انسانی ایجا بنجه بر آدم یالکز باشه اوله رق بر طاع تپه سنده ویا بر چول اورته سنده منفرداً یشامغه غیر مقتدر و لوازم حیاتی و حوائج ضروریه سنک تدارکی امرنده ابناء نوعنک معاونته محتاج و مفتقر بولنمش اولمسیله اساساً بر پدر و مادر دن یعنی ابوالبشر حضرت آدم علیه السلام ایله حضرت حوادن متولد اولان ذکور و اناث بر عائله تشکیل وتوالی ادوار و تمادی ازمه و اعصار ایله عائله آدمیه تکثر وتوسع ایله قبیله یه وتعدد افخاذ و تکثیر افراد ایله قبائل و عشائره انقسام ایلمش و قبائل و عشائر حاله دن بر قسمی کوجیهلک حالندن فراغتله قرا تأسیس و قرای مؤسسه تدریجاً کسب جسامته بلاد و قصباته تحول و مدن عظیمه شکلنه کیرمشدر .

بو وجهله صور تیاب وجود اولان قرا و قصبات و مدن و بلاد سکنه سی بر عنصر دن منشعب اولدینی حالده بعد الطوفان ابناء آدم ابوالبشر ثانی اولان حضرت نوح علیه السلام ذریته انحصار و حضرت نوحک « سام » ، « حام » ، « یافث » ، نامیله اوچ اولاد ذکوری قالمسیله نوع انسان اشبو اوچ اصلدن تسلسل و تشعب ایله هر ذریت پدری نامیله بنام « سامی » ، « حامی » ، « یافثی » عنوانلریله اتسام ایلمشدر .

آنحقی انسان فی حد ذاته حیوان ناطق اولقله برابر جلب منفعت و دفع مضرت و حب نفس و داعیه تفرد و میل تفوق خصائل غریزه سیله متخلق و شهوت و غضب و حس انتقام و بطش و تغلب کی صفات بریمیه فطرت اصلیه سنده مرکوز اولمسیله بونجه مختلف المنافع و الطباع و متباین الافکار و الاوضاع خالقک بر محله اجتماعی معاملاتده نزاع و فزعی داعی اوله رق « الحکم ان غاب » قاعده سنجه کیر صغیری و غنی فقیری و قوی ضعیفی محو و افنا ایلمسی قوانین طبیعی دن اولقله برابر بین الافراد و قوعبولان مخاصمات اکثریا منتسب اولدقلری قوم و قبیله و هیأت اجتماعییه سرایتله « وان الحرب اوله کلام » مفاد بنجه منازعات لسان مقارعات سنانه بادی و بر چوق محاربات و مقاتلاته مؤدی اوله رق نظام عالم مختل و کارگاه کون معطل اولمسی بدیهی بولندیغندن جناب نسق ساز نظام کائنات حفظ حیات عالم و منع تعدیات افراد و امم ایچون [انی جاعل فی الارض خلیفه] نص جلیلی ایله مقام خلایف مقدسه یی تأسیس و هر فردک له و علیه کی حقوق متقابله یی انبیاء عظام اوزرینه نازل اولان صحف و کتب مقدسه ایله تعیین و تبیین ایدرک بوصورتله شرائع وادیان روی زمینده تأسیس و حکومتات مشروعه تشکیل ایلمشدر .

ایشته بوصورتله حفظ نظام عالم و تهذیب اخلاق امم ایچون نازل اولان شرائع وادیان اساساً جنک و جدال و حرب و قتالی منع ایچون وضع و تأسیس بیورلش و من غیر حق بنیه انسانییه یی افنا و تخریب و یا امنیت عمومییه یی اخلاصه تصدی ایدنلر ایچون دنیا ده قصاصاً قتل و اعدام و زنجیر بند اوله رق حبس و مؤبد و موقت اعمال شاقه ایله

اشغال کی مجازات ترهیدیه و عقباده نار جحیمده مغلد اولمق صورتیه اک شدید جزا واک بیوک عذاب الیم و عدا یلمشدر . نته کیم قرآن عظیم الشانده [ان الذین یحاربون الله ورسوله ویسعون فی الارض فساداً فجزائهم ان یقتلوا او یصلبوا و یقطع ایدیهم و ارجلهم من خلاف او ینفوا من الارض] الخ [ومن یقتل نفساً فجزائه جهنم خالداً فیها] آیات کریمه سی ثبوت مدعایه برهاندر .

بصر امعان و بصیرت اذعان ایله باقلدینی حالده فی الحقیقه نوع بشر فیلسوف اسلام ابوالعلاء معرینک « الناس من جهته التمثال اکذآء ابوهموا آدم والام حواء » الخ دیدیکی کی بر بابا و انادن طوغمش قرنداش و روی زمین ایسه بوکونکی اقوام و اممک بر قاق مثلنی استیعاب و اعاشیه کافی بولنمش اولدینی حالده ، مغایریت لسانیه ، مباینت مذهبی ، عصیت قومیه ، توسیع حدود و استملاک اراضی کی بر طاقم اسباب معنویه و اعتبارات و همیه ایله انسانلرک خونخوار جانوارلر کی یکدیگرینی قتل و افنا و دها طوغریسی ایکی دیپلوماتک بر ایکی دقیقه لی انفعالات نفسیه لری نتیجه سی اوله رق میل و نلرجه نفوسک قانلری هبا ایدلمسی و بویوزدن میا و نلرجه بی کنه اطفال و نسایتم و بی وایه براغلمسی و عصرلرجه امک صرفیه وجوده کتورلش اولان بر چوق قرا و قصبات معموره و اماکن و مبانی مشهوره نک ایکی ساعت ایچنده خاک ایله یکسان و ترقی صنعت و ثروت و معموریه خادم اولان بر چوق فابریقه و کارگاه و معمل و دستکاهلرک زیر و زبر ایدلمسی و بر برینی عمرلرنده کور مامش و یکدیگرلرینی طانیمش واره لرنده هیچ بر ماجرا کچماش اولان یوز بیکلرجه انسانلرک سرین قان ایله بر برلرینک قانی ایچمکه چالشمسی حقیقه حسیات انسانیه و مدنییه ایله قابل تألیف و توفیق اولیان احوال الیه و موجب اسف عظیم اوله جق لجائع عظیمه دندر .

نه چاره که بوجهت بویله اولقله برابر بو حس بطش و غضب هر انسانک خلقتده مکنوز و فطر تنده مرکوز اولدینی ده قابل انکار دکلددر .

حربک تاریخ تولدینه عطف نظر ایدمک اولور ایسه ک حرب انسان ایله برابر طوغمش و حضرت آدمک ایکی اوغلی اره سنده بیله وقوعی منع ایدیه میوب همشیره سنی المی ایچون قابیل « هابیلی » قتل ایلدیکی کتب مقدسه ده مذکور و مصرح بولنمشدر . اندن صکره جیلا بعد جیل و قیلا بعد قیل بوسیئه حرب و قتال موروث و متسلسل اوله رق کرک افراد بیننده صورت خصوصیه ده و کرک قبائل و عشائر میاننده صورت عمومییه ده اوله رق جنک و جدال منقطع اولماشدر .

حتی جنس اولیان بر بار کیرک جنس بر قصراق اوزرینه آشمسندن طولایی قبائل عربیه دن طسم و جدیس اره سنده اون سنه و برخاتونک بردوه یی یارلمسندن طولایی « بکر » ایله « تغلب » قبیله لری میانه لرنده حرب البسوس نامیله شهرت شعار اولان محاربه نک قرق سنه ممتد اولدینی کتب تاریخیه ده محرر و مستوردر .

اقوام و امم سائر میاننده دخی حال بومنوال اوزره جاری اوله رق